



六 十 二 之 本

中華地理

北京

南京

山東

山西

倭漢三才圖會

4 3
加
130
41

48

叢書
圖書

同會
印

和漢三才圖會卷第六十二之本目錄

中華地理

中華一統圖

春秋列國

北京省

黃帝

遼國

清都

古九州

戰國七主

燕國

金都

耶律楚材

古閩越

十五省

趙廣漢

元都

張元素

和漢三才圖會

卷

第六十二

之本

目錄

叢書
圖書

張華

孔穎達

邯鄲枕

北京土產

南京省

吳都

南齊

大明

扁鵲

東垣

倉頡

南京省

東晉

梁

葛玄

附琴高

劉河間

王好古

伯夷叔齊

南京省

南宋

陳

陶弘景

老子

吳王夫差

顧野王

陸機

左慈

華陽洞

樊噲

山東省

有東岳泰山

莊子

伍子胥

吳訥

韓信

朱子

項羽

華佗

五湖

范蠡

薛己

張良

汪機

蕭何

南京土產

東方朔

神農

曾子

千定國

大公望

黃福

山西省

狄仁傑

善導大師

孔子

十哲

王祥

孟嘗君

山東土產

白樂天

魯國

子思

孟子

齊國

淳于意

道綽禪師

帝堯

晉

本名唐

關羽

曇鸞大師

舜

介子推

裴楷

楊繼宗


禹王

豫讓

黃安

山西土產

△按中華十五省地理各出府城列縣名而方角里程用大標日本道記之十倍於此則唐道也歷代興廢治世紀年記于其下因生於其處卒於其地人聲名鳴于世之輩若干撮行狀之要領記之以為舌耕之一助而已分爲二卷蓋此卷區區不載于小目錄



和漢三才圖會卷第六十一之本

攝陽 城鑿法橋寺島良安 尚順 編

中華

中夏 中國 華夏 震且 支那
和訓加良 毛呂古之

△按中華歷代易名而漢與唐之治世盛久故今雖號太清倭以為漢為唐就中唐世多日本通好故於今稱唐船唐人唐物等

後漢光武皇帝中元二年始倭使到日本神皇其後歷魏晉宋隋昂通往稍習夏音唐玄宗皇帝時倭使有留中國授經肄業者久乃還

日本遣唐使之始唐高祖皇帝時大上御田鋤是也其後粟田真人多治見廣成吉備真備等皆鳴名於大唐

華夷一統圖



右者明朝萬曆年中所圖也



口...

...

...

三才圖會云帝嚳創制九州統領萬國堯遭洪水天下分爲十二州使禹平治水土更制九州列五服禹繼唐虞之盛塗山之會執玉帛者萬國而四百年間遞相兼並逮商受命其能存者纔三千餘國亦爲九州分統天下及周克商尚有千八百國而分天下爲九畿至成王時仍曰九州厥後諸侯相吞列國耗盡陵突至於戰國天下分而爲七秦並六國罷侯置守分天下爲四十郡漢世彌廣分天下爲十三州既而三國鼎峙至晉始合爲一置州凡十有九未幾南北分裂至隋復合爲一盡廢郡爲州至唐州愈多初分天下爲十道又後增至十五道至宋爲十五路後又增至二十六路元蒙古以夷狄入主華夏內立中書省一以領腹裏諸路外立行中書省十以領天下諸路然其地西北雖過於前而東南島夷則未盡明朝統一華夷幅員之廣東盡遠左西極流沙南越海表北抵沙漠四極八荒靡不來庭天下分爲十三布政司南京北京共十五省

九州

古禹王分天下爲九州

- 冀州 今北京 揚州 今南京 江西北 廣東
- 青州 今山東 徐州 今四
- 雍州 今陝西 荊州 今湖廣 廣西
- 兗州 今山東
- 豫州 今河南
- 梁州 今四川 雲南

閩越

一名雕題 南越 嶺南

今福建也自嶺而南當唐虞三代爲蠻夷之國是閩越之地非禹貢九州之域又非周禮職方之限然晉書隋書爲禹貢揚州之域

春秋列國

- 魯 今山東兗州
- 蔡 今山東兗州
- 燕 今北京
- 曹 今山西平陽
- 吳 今南京
- 鄭 今河南
- 衛 今河南
- 虞 今山西

和漢三才圖會

魏 今河南
 齊 今山東
 秦 今陝西
 魏 今北魏
 趙 今北魏
 燕 今北魏
 楚 今南京
 韓 今南京

戰國 凡六國秦始皇并吞之此時也俗曰唐七帝

魏 今河南
 齊 今山東
 秦 今陝西
 燕 今北魏
 趙 今北魏
 楚 今南京
 韓 今南京

十五省 大明丁統治今為十五省

山東 山西 河南 陝西 湖廣 江西 四川 雲南
 浙江 福建 廣東 廣西 貴州 江蘇 湖南 雲南

府 百四十九 州 百二十八 縣 千百五

△按每一省各分作圖以誌其方角里程據登壇凡中華一里則用六町其六里當倭今之一里矣然海東諸國記云日本一里准我國十里而用日本用五寸為一里不遠蓋以南京北京相間二千四百四十五里而謂三十日路則大抵當倭三百四十余里今悉改日本道記里程取十分之一用之使人易見耳


家 戶 千百十三方四千軒 大明嘉隆
 每省下記戶口數然如貴州四川雲南等邊境有未詳者唯見其大操耳 隋唐宋歷代戶數漸加增

五雜組云邊塞苦寒之地有唾出口即為冰者五嶺炎暑之地有衣物終冬不曬暎即儼濕者天地氣候不齊乃爾燕南人尚有至北北人入南患瘴癘寒可耐而暑不可耐


北京圖

遼東界

河



南



北京

北直隸 冀州 北極星出地四十度強

△按北京，北東之限，而北鞞鞞，北朝鮮辰山，帶海要害無雙之地也。京師，稱順天府，當日本文子，方凡千六百里，最寒國，而多用裘衣，人品言詞全，于南京而稍強，其人姓獮雞，戶數總四十二萬，軒許三百四十五方二千八百人。

○順天府 保定 順德 廣平 大名 永平 河澗 真定 延慶州 保安州 蔚州

順天府

冀州之域 幽州 燕舊都 金元清都于此 尾箕分野

列五 縣九二

東至東平府，藥州界三十九里
南至河間府，任丘縣界三十五里
西至山西大同府，蔚州界三十五里
北至隆慶州界十六里
自府至南京三百四十四里半

黃帝

有熊氏 姓姬 又軒轅氏 長於姬水 故為姬氏

居軒轅之岳 故為軒轅 以土德 王焉 神農末 衰 諸侯相侵伐 乃脩德 治兵 戮蚩尤 而天下歸命 其臣 容成 造律曆 隸首 作算數 伶倫 制律呂 實為文明之始 祖都于涿鹿 在位百年 壽三百歲

蚩尤 榆罔 諸侯 住當國 延慶州 甚事惡逆 揮長戟 發大 弩 殺諫者 射戰士 於是黃帝起兵 使貨狄 始造舟 渡鳥 江 於涿鹿野 相戰 遂誅之

燕國

周武王封召公奭於燕 即今北京也 其後至 三十七代 燕丹 與秦 始皇 合戰 負亡 九十年

趙廣漢

子都 涿州 人也 仕前漢 遷京兆尹 強力威 能及 尤善為鈎距 以得事情 鈎距者 設欲知馬賈 則先 問狗 已問年 又問牛 然後及馬 以類相准 則知馬之貴 賤 不失實 然或時上書 告丞相 魏相 事失實 宣帝惡之

下廣漢廷尉獄吏民號泣者數萬人或願代之竟坐斬之百姓追思歌之至今

遼

本契丹國中華之北東外夷阿保機姓耶律名億當後梁末帝時叛梁自稱太祖皇帝第
二世太宗改國號曰遼卒兵陷祁州終執後晉出帝殺害之六世聖宗時復改國號曰契丹高麗國等獻貢其威稍強北宋大金起兵伐遼陷黃龍府遼末帝名延遂負走夾山求和睦而金人不敢許金將軍婁室攻破遼獲遼君延禧封海濱侯遂射殺之以萬馬踐其屍凡九主共二百十九年遼滅金興

金

本女直國姓完顏名阿骨打和五年伐遼更官軍敗北宋徽宗欽宗父子二帝降秦遂獲歸於金五國城而崩宋王子欽宗即位都臨南號南宋高宗於是金大將兀朮進軍攻落臨南渡浙遂帝帝航海

宋岳飛討破金軍又金人以舟師逐高宗三百里甚危宋張公裕拒破之焉金遷燕都於汴燕乃北京而汴小十萬騎兵急伐南宋聞之大驚怖然金由海陵王於揚州南京為將士所殺故諸將引軍還既金軍又渡淮陷南宋楚州帝寧宗又侵來宋遣使遂和睦近頃蒙古自立號大元侵金金軍失利金復侵宋自是金與南宋絕好數合戰宋理宗太元攻取金都宋孟珙牒合元師遂討滅金哀宗自殺宋大將割其首埋骨於大理寺獄以報伐宋之恨金十主凡百八十年為宋元兩國亡

元

太祖姓孛兒只斤名鐵木真蒙古國人世為蒙古部長并吞諸部其威日盛南宋寧宗自開禧二年自號皇帝改國號曰元既破金山東武士及扈衛將軍等叛金降元又討滅西夏此時西又攻金都與南宋戮力滅金皇憲宗伐蜀今城主討死宋人援蜀迎戰房州宋理宗呂文煥以襄陽湖廣叛宋降元進軍

官軍有怨於賈信道降元者多焉元將軍伯顏討破宋軍獲文天祥又獲宋恭宗皇帝去然文天祥遁歸討破元師宋張世傑與元張弘範戰于崖山世傑討負而宋陸秀夫負帝赴海死帝名昀號衛王度宗帝之子也自太元太祖于今五代相續與南宋爭國及世祖帝時宋滅為太元一統都於燕万邦雖來貢惟日本否故欲伐之至元十八遣十萬余人兵逢難風溺死還者三人也順宗時有徐壽輝者謀友攻落蘄水縣自稱帝取元諸郡縣且大明太祖起兵急伐元軍士皆降明太元順宗帝北去滅十四主凡百六十二年元亡大明興大明此于南京下
清皇帝名清韃靼人當大明十七代思宗帝時起兵攻襲北京七年構城順天府號皇
帝改國稱太清用順治曆號先此十二年六月南京正陽門外碑無故墮地忽裂自中出小石碑其面刻順治文字是希有前表也大明思宗帝崩福皇帝即位清兵攻落南京擒福

帝即下觸劓諸民髮髻為韃靼風俗陝西有季自成者先年與大明思宗帝戰勝自號皇帝國稱太順是亦為太清滅亡既而大明南京沒落遷都於福建立儲皇即位未幾落城有國姓爺者起義兵與太清合戰及十五年遂降而為太清統一之天下清帝以仁政治之崩改年號曰康熙

耶律楚材

字晉卿遼東丹王突欲八世孫也元太祖聞其名召見之拜中書令太宗時諸王大集帝親執觴賜楚材曰朕推誠任卿先帝之命也非卿則中原無今日西域諸國及高麗宋使來朝帝擬楚材曰汝國有此人乎皆謝曰無殆神人也

保定府

角貢冀州之域戰國屬趙
秦上谷郡又鉅鹿郡漢涿郡唐莫定列
晉范陽後魏樂浪隋清苑縣唐莫定列
列三
縣十七
又蒲瀛列五代秦列

東至河間府靜海縣界三十里
南至真定府安平縣界十二里
西至山西大同府廣川縣界三十里
北至順天府涿州界二十里
至京師二十五里 至南京三百二十里

張元素

字潔古易州人保定府西北故號易老八歲善屬文金朝召舉進士嘗好醫方夜夢神人鑿開胃腹納書於中自是洞徹病源活潑施藥不泥古方嘗言運氣不齊古今易轍舊方新病難相合附所貴因時制宜之妙耳其子名張璧號雲岐子聲名著當時

張華

字茂先范陽人學業優博辭藻溫麗初未知名嘗著鷦鷯賦阮籍見之曰王佐才也由是聲名始著東晉武帝時拜黃門郎性強記默識四海之內若指諸掌帝嘗問漢宮室制度應對如流聽者忘倦後為中書令贊成伐吳之計封廣武縣侯名重一世衆

人所推服惠帝時拜中書監盡忠匡輔雖當闇主虐皇后之朝而海內晏然華之功也闇主者指惠帝也遂進司空然其第舍數有妖怪少子躡見中台星指賈皇后張華遂位華不從曰天道玄遠惟脩德以應耳不如靜以待天命永康元年為趙主倫孫秀等矯詔所害朝野悲痛焉常愛書籍嘗徙居載書三十乘天下奇秘世所稀有者悉在華之所博物洽聞世無與比

△按張華官至司空當日本太政大臣又中台星者太微垣之內三台之中星也以此諸侯三公故少子躡占之告事然張華無双博學忠誠名臣而不聽乃此天命也日本菅丞相亦不從清行之革命之勸而陷于讒也和漢趣相似矣

河澗府

禹貢冀州之域春秋晉東陽 ○箕尾分天野
戰國燕趙齊三國之境秦 鉅鹿郡又上谷郡
漢 河澗國東漢 信都後魏 樂成縣又瀛州

列二
縣十六

東至山東濟南府海豐縣界三十里
南至濟南府德川界二十九里余
西至保定府蠡縣界六里
北至保定府雄縣界十三里

至京師四十一里 至南京二百九十四里

扁鵲

姓秦名越人渤海郡鄭人
時有長桑君者出懷中藥以上池之水令飲
之曰三十日當知物矣且傳與禁方書而後忽然不見
扁鵲得此書視病診脈盡見五臟癥結嘗得素問靈樞
之旨著八十一難經或時過號國名號太子死扁鵲曰
臣能生之乃用鍼取外三陽五會間太子蘊乃為五
分熨熨之令溫暖之氣以八減之齊和煮之更熨兩脇
下太子起坐服湯煎藥也二旬而復故天下得其名過邯
鄲平府中聞貴婦人即為帶下醫過維陽聞周人愛老
人即為耳目痺醫入咸陽陝西聞秦人愛小兒即為小

兒醫隨俗為變於是秦太醫令李醯白知技不如扁鵲
使入刺殺之至今言脈者由扁鵲

△按渤海謂屬河間府者未審未聞河間有渤海異名且
河間中鄭鄭等縣無之蓋渤海郡即遼東郡今屬山東
嘗見中華國圖河間府任丘縣有扁鵲住於此則生土
山東渤海而住處河間人也又云號周武王滅殷紂王
後以文王仲王子封於陝之號其四年後為晉獻公滅
而扁鵲過號其二百年許後也謂號太子者未審若其
有未孫備稱太子乎號傳世不詳于史故不分明

劉河澗

名完素字守真河澗人也
宋時以醫鳴于世洞轍醫方詳明內經熱論
多病於火所著運氣要旨精要宜明等論素問玄機原
病式等行于世

真定府

屬冀州之域 周并列 ○昂畢分文
春秋 鄴虞國 戰國 趙秦 鉅鹿郡 漢 恒山郡

後避諱曰常山後周恒州隋屬高陽郡唐
鎮州又成德軍五代武順軍晉順德軍

州五
縣二十七

東至河間府獻縣界三十一里
南至順德府內丘縣界二十一里
西至山西平定州界十八里
北至保定府慶都縣十七里
至京師六十三里 至南京三百十里

孔穎達

字仲達當國衡水縣人在州城八歲就學識
記日千餘言關記三禮義宗及長明服氏春
秋傳鄭氏尚書十禮記王氏易善屬文通步曆嘗造同
郡劉焯許焯名重海內初不之禮及請質所疑遂大良
服隋煬帝大業中舉明經博士帝召天下儒臣集東郡詔
國子秘書學士與論議穎達為冠而年最少老師宿儒
耻出其下陰遣客刺之匿揚玄感家得免隋亂避地虢
牢唐太宗皇帝授文學館學士遷國子博士尋封曲阜

縣男轉給事中少師高帝幸大學觀命穎達講經上釋
奠頌有詔褒美

東垣

姓李名果字明之大元明醫鎮州人也幼明
敏博學通經史尤好醫聞張元素以鑿鳴獲
千金往從數年盡得其妙而謂病因脾胃所生者多故
主內虛則請邪并入著脾胃論補中益氣湯方為王道
之本而為醫家之宗主醫學發明蘭室秘藏內外傷辨
惑論等書行于世當時稱神醫

王好古

字進之號海藏太元名醫趙州人也性明敏
通經史好醫方師李東垣遂為明醫所著書
醫壘元戎醫家大法仲景詳辨活人節要歌湯液本草
此事難知珠疹論傷寒辨惑論光明論標本論小兒吊
書守真論十二經絡系圖等盛行于世

順德府

隋冀州之域周邢國 ○昂沃野
戰國趙秦信都縣屬鉅鹿郡項羽襄國後

東陽平郡 前燕貴鄉郡 隋武陽郡 唐冀州 五代東高興唐府 又鄴郡

列一

東至山東昌府冠縣界九里
南至河南開封府封丘縣界四十里
西至河南彰德府臨漳縣界十一里
北至山東東昌府館陶縣界十里

至京師百十六里 至南京二百四十四里

倉頡

黃帝時史臣也生於南樂縣有四月觀鳥跡始作文字字既成天雨粟鬼夜鳴世人遂稱文字從此始然伏羲因河圖洛書而作八卦造書契以代結繩之政則以伏羲為祖倉頡因其文而增創耳

永平府

列一

東至山海關十八里 南至海峽十六里
西至順天府十二里 北至桃林口六里
至京師五十五里 至南京三百九十九里半

伯夷叔齊

伯夷 名元 字公信 叔齊 名致 字公達 殷紂王時諸侯孤竹國君之子兄弟 伯夷 叔齊 紂王暴惡故讓國俱逃 歸周 西伯 文王 也 武王伐紂時二人扣武王馬諫止之 然不聽 遂平殷 及天下歸周 耻食同粟 去隱首陽山 在山西 采薇食 終餓死 東齊其先出自堯 性清賢 其名高于天下 後武王聞之 甚憐其志義 以伯夷之苗裔文叔封於莒 以續大岳之嗣 許者穎列 許昌縣今許列也

延慶列

縣一

禹貢冀州之域 漢廣寧縣 北齊北燕郡 唐媯列 又儒列 元龍慶列
東至四海治十三里
南至分山道屯二里
西至保安州界十里

保安列

北至雲州界六里
至京師十八里
至南京三百六十二里半

禹貢冀州之域 漢幽州 春秋及戰國時屬燕 秦上谷郡 漢涿鹿郡 唐永興縣 遼奉聖州 金德興

東至延慶州界四里
南至山西蔚州十里
西至蔚州界十四里
北至宣府界七里

至京師三十里
至南京三百七十二里半

萬善都

指揮使司

禹貢冀州之域 戰國屬燕 秦上谷郡 漢于落縣屬幽州 後魏文德縣 唐武州 又毅州 遼歸化州 又德州

衛十五



東至四海治三十三里南至廣昌四十五里
西至枳兒嶺十六里
北至長峪口四里

至京師三十五里
至南京三百八十五里

北京市 土產

人參	丹錫	紙	水晶	瑪瑙	磁石	大楮
<small>以上出</small>	<small>永平府出</small>	<small>順德府出</small>	<small>順德府出</small>	<small>順德府出</small>	<small>順德府出</small>	<small>順德府出</small>
石	玄精石	瓷器	紫斑石	襪	襪	襪
<small>順天</small>	<small>保定</small>	<small>順德府</small>	<small>順德府</small>	<small>順德府</small>	<small>順德府</small>	<small>順德府</small>
石	磨	葛荊子	河	河	河	河
<small>順天</small>	<small>保定</small>	<small>順德府</small>	<small>順德府</small>	<small>順德府</small>	<small>順德府</small>	<small>順德府</small>

南京圖



南京圖

卷六

四

南京圖

南京

南直隸

楊州 烏貢

北極星出地二十二度

△按京師稱應天府昔楚威王初置金陵邑因其地有王氣埋金以鎮之故名金陵秦始皇以下金陵有都邑之氣改曰秣陵秣陵於北平肇建北京為京師以來號之南京當日本九州正西方凡三百四十里四時寒暑倭與同此國人品音律布帛器物以下皆為上品實王都風俗也

應天府

鳳陽

蘄州

松江

常州

鎮江

揚州

淮安

廬州

安慶

太平

寧國

池州

徽州

廣

德州

和州

滁州

徐州

應天府

禹貢揚州之域春秋屬吳
戰國屬越後屬楚楚金陵邑秦秣陵屬鄣郡漢丹陽郡此都於建業晉平吳建鄴又建康都于此改名丹陽郡隋平陳將

京城周凡十七里許

唐揚州又江陵郡又昇州五代江寧府

縣

東至鎮江府丹徒縣界十三里
西至和州界八里
南至太平府當塗縣界八里半
北至揚州府儀真縣界十五里
至北京三百四十四里半

吳

始祖大帝姓孫名權孫堅之子孫策之弟也孫策中矢死孫權繼家蜀劉備與魏曹操戰不利蜀臣諸葛孔明請援兵於吳仍遣加勢破魏軍以孫權之妹妻劉備孫權構城建業府也魏率四十萬騎進軍攻吳吳以七萬騎拒守一箇月餘而向固魏還軍四年蜀劉備號漢中王與吳絕好孫權怒進軍斬蜀軍將關羽

魏曹操薨子曹丕廢漢獻帝自立稱魏文帝
蜀劉備漢獻帝滅亡後即位號後漢昭烈帝

和漢三才圖會

中華南京卷之三十一 十六

吳孫權號大帝吳魏二國如鼎相拒至孫皓降于晉武帝亡在四主六十年滅

東晉

始祖中宗皇帝姓牛名睿字景文西晉司馬懿後魏之孫也及漢劉聰弒西晉愍帝急起義兵伐劉聰即位都建康實非司馬氏耶琳恭王如夏侯氏因與小吏牛金通所生而冒司馬姓至恭帝讓位於臣劉裕遂被毒害崩

南宋

始祖武帝姓劉名裕字德興初事東晉誅桓玄滅後秦南燕軍功最大安帝賞之封宋公帶劔著履出入禁裡後推受禪即位改國號宋都建康遂弒安帝至順帝為臣蕭道成所篡滅八主共六十年

南齊

始祖高帝姓蕭名道成字伯紹漢蕭何二事南齊任右衛將軍有勇功振威遂廢宋順帝即位都建康改國號齊至和皇帝為臣蕭衍所篡遂值弒凡七主共僅二十三年滅

梁

始祖武帝姓蕭諱行字叔達仕南齊任大司馬大將軍後廢和皇帝自即位都建康改周號梁立子蕭統為太子又名昭明太子五歲能誦五武帝信佛法持殺生戒衣服亦禁生類畫及玄繡用麩餅代牛羊牲遂為佛法捨身於同泰寺自講三慧經臣侯景叛逆圍武帝于臺城攻之遂崩於臺城至敬帝為陳霸先被毒害四主共五十六年滅

陳

始祖武帝姓陳諱霸先字興國漢陳寔之後吳興縣人仕梁破北齊軍進爵長城公遂謀反廢梁敬帝自即位改國號陳至叔寶隋文帝起攻落陳叔寶為隋擒凡五主三十二年陳亡隋興

大明

太祖姓朱諱元龍字國瑞太元至正十五年起義兵伐元元順宗帝匿走至諸國及南蠻渤海來服改國號大明都應天府太祖讀孟子草介寇讐說不合敵慮欲去孟子配饗錢唐制部以死誓諫之

和漢三才圖會

中華南京卷六十二(一)廿七

不去配祀天下平安及二百年至十四神宗帝朝凶兆數發日本曆二十九年日本小西行長帥兵船數百艘陷朝鮮慶尚道及豐德諸郡尋犯全羅道逼朝鮮王城大明援兵退守王城思宗崇禎二年韃靼將名清催大軍襲北京州牛薺韃主構城於北京自稱清皇帝改曆號為順治去十三年六月十二日南京正陽門外碑無故墮地忽裂自中出小石碑面刻順治文有之布有之前表也秘統為韃靼南京落城大明福帝為擒剝諸民髮髮悉變東風南京滅用唐王即位干福建無幾鄭芝龍叛降參于清福建所篡亡又用由榔王即位于福州於是國姓爺起義兵欲再興大明拒戰既十五年而遂不勝大明滅凡二十主共百五十六年

葛玄

成字大峰數百集客身有間葛玄張口蜂皆飛入嚙之受丹液仙經嘗與客食嗽音中飲盡

舊飯也能指石人使行指蝦蟆及諸昆蟲燕雀之屬歌舞絃節皆如入狀或宴客冬設生山棗夏致水雪無人傳杯杯自至前如酒不盡杯不去也百姓思雨書符著社中俄頃大雨偶行遇一神廟凡過者離百步下車否則有警葛玄書一符令從者投廟中其廟屋自焚過武康見一人家病作請巫祀妖邪葛玄勅五伯拽妖邪頭附柱鞭背出血流地妖邪伏罪乃止嘗在荆門軍紫蓋山修煉值天寒大凍葛玄跣足衣衫襤褸時有屈家一女偶見憐之賞夜促成雙履次日獻之葛玄已去但存爐灰尚温二女撥灰得丹一粒姊妹分而服之自後神氣冲冲不飢不渴時人或謂得仙矣嘗從吳主各船行至三江口遇風船多漂沒葛玄船亦不知所在踰宿忽見葛玄水上步來既至尚有酒態謝曰昨伍子胥強邀留飲是以淹屈陛下嘗于西峯石壁上下石之中搗藥遺墜一粟許有飛禽遇而食之遂得不死至今月白風

和漢三才圖會

中華書局影印

卷八

清之夜其禽猶作丁當杵臼之聲名曰搗藥鳥仙人琴
高聞葛玄得道自東海跨雙鯉來訪葛玄與之酣飲既
醉琴高臥白雲間酒醒雙鯉化為石矣葛玄贈以雙鶴
跨之而還如此神異無測

琴高趙人也以鼓琴為宋康主舍人後辭入海中常乘赤
鯉行入有子英者此亦乘鯉上騰

陶弘景

字通明秣陵人天監十歲見葛洪神仙傳研
學謂人曰仰青雲觀白日不覺為遠矣及長

身長七尺七寸窪目疎眉耳各有七寸餘毛出外二寸
許右膝有數十黑子作七里文讀書万卷善琴棋工草
隸弱冠齊高帝召為諸王侍讀永明上表辭祿止句容
縣之茅山號華陽隱居徧歷名山尋訪仙藥愛松風庭
園皆植松人以為仙人梁武帝召之不至然每有大事
無不咨之弟子桓闔得仙術昇天後還謂曰師之隱功
極著但所修本草多用毒蟲水蛭之類不為可因弘景

復以草木之藥可代物命者著別行本草三卷以贖其
過大同二年卒壽八十五顏色不變屈伸如常

鳳陽府

禹貢揚州之域古塗山氏之國○斗分野
戰國屬楚淮南郡秦九江郡漢東郡又武
郡東漢鍾離侯國隋濠州

外五
縣十三

東至揚州府寶應縣界四十里
西至河南開封府項城縣界五十九里
南至廬州府合肥縣界十五里
北至徐州蕭縣界三十二里余
至南京二十三里至京師三百里

老子

姓李名耳字伯陽又老聃累世化身而未
誕生迹迨商陽甲時分神化氣始假玄妙玉
女之胎八十一年暨殷武丁庚二月十五日卯時降誕
於楚國苦縣瀨鄉曲仁里從母左脇而生於李樹下指
樹曰此吾姓也生時白首面黃長耳老子無輪曰短目

鼻純骨雙柱耳有三漏門美鬚廣頰齒方踈齒方口足
躡三五手把十文周文王為西伯時召為守藏史武王時遷
為柱下史當飲納乃遊天竺諸國化導其國康王時還
歸周隨鴛鞋昭王二十三年駕青牛車過函谷關二十
降於蜀吟也又度流沙胡域至穆王時復還周敬王十
七年孔子來問道報王九年復出散關飛昇崑崙山秦
始皇降泱河之濱號河上公授道安期生漢文時出號
廣成子文帝遣使詔問之公曰道尊德貴非可遙問帝
即命駕詣日子雖有道猶朕民也不能屈何乃高乎朕
足使貧賤富貴公乃拍掌坐躍冉冉在虛空中如雲之
昇去地百餘丈而止良久俛答曰今上不至天中不類
入下不居地何民之有陛下焉能令富貴貧賤乎帝悟
方下輦禮謝授帝道德二經蓋無世不出隱顯莫測變
化不窮普度天人莫可具述
後漢桓帝熒熒始祠老子唐高宗帝禱樹幸毫列老

子廟贈太上玄元皇帝號唐玄宗帝加贈官二度

△按老子傳所載三才圖會省畧記之蓋有異說未決一
說曰周定王三年九月十四日生於陳郡苦縣殷武時即
此七百年詳以前也年月日共大異也孔子往周問禮為周景王
二十三年謂敬王十七同年老子卒壽八十四歲云

莊子

王聞周之賢使大夫二人聘之而固辭終身
不仕其學本於老子事無為之道嘗著書名南華真經
內外篇總五十卷寓言洗泮自恣以適已故王公大人
不能器唐時追封為南華真人

蘓州府

禹貢揚州之域春秋吳斗午大野
周秦伯仲始居之地共王封仲雍
孫於此為國自闔閭以後並都焉
戰國屬越後屬楚秦會稽郡漢吳郡
東至東沙海岸三十一里余
西至常州府宜興縣界十里

南至浙江嘉興府秀水縣界九里半
北至揚州府通州界十五里

至京師四百八里 至南京五十九里
以有姑蘓山名蘓列繁華地屋戶凡十六萬許最商船
多出於此其川口島名崇明縣有府東三至日本海上
凡三百里

五湖

當國吳江縣之南有大湖即名太湖其東邊
五灣為五湖艾湖游湖漢湖又天下五湖者
饒列鄱陽湖岳列青草湖潤列丹陽湖鄂列洞庭湖蘓
列太湖是也

吳王夫差

周泰伯懿子有賢聖德居當國而無子以弟
仲雍為嗣武王討殷後求仲雍之曾孫周章
封于此其後十一代名夫差周敬王與越戰勝之越王
勾踐用殘兵五千人籠會稽山使大夫文種求和睦夫
差許諾伍子胥不肯諫之不用六年且姪亂伍子胥

忠言逆耳故憤自害周元勾踐起兵伐吳大勝夫差

帥殘兵籠姑蘓山雖乞和不許夫差自殺吳國遂滅

伍子胥

名員楚伍奢之子也初仕楚平王周景王殺伍奢奔吳以吳兵入郢鞭平王尸後
事吳王夫差敗越再興吳國然夫差耻色請越美女成
子伍子胥諫之不可太宰伯嚭受越賂而共許之且謂
子胥夫差信諾賜以屬鏹之劍子胥遂自刎死吳人憐
之立祠曰胥山

范蠡

實小伯事越王勾踐勾踐傳見于為上將軍
苦身戮力與吳戰二十餘年周元王攻姑蘓
山滅吳王報會稽之耻而後勾踐殺忠臣文種等范蠡
以為大名之下難以及居且勾踐難與處安乃棄其輿
寶珠王與私徒屬乘舟浮海終不及適齊山東變姓名
自稱鴟夷子隱耕于海畔父子致產齊人聞其賢以為
相而辭歸相印盡散其財以分與知友鄉黨懷其重寶

間行以去止于陶自稱陶朱公垂鈞於五湖遊老死于陶成名於天下

顧野王

字希馬吳縣人自七歲時能讀五經九歲作文章天文地理卜筮篆書無所不通撰玉篇及輿地志唐虞世南亦初受學於野王

吳訥

字敏德常熟縣人歷任太明秣陵間古貌古心學窺性理持敬慎之心秉廉直之節才識議論博達今古兼精醫術聲聞天下官至右副都御史卒年八十六謚文恪

薛已

字新甫號立齋吳縣人也性資敏穎聰明於醫極精故謂十二科要皆一理因見外科之大發所蘊皆以內外合一之道對證處方隨手而愈太明嘉靖徵為太醫院使著外科心法發揮精義等書凡十六種誠當時名醫有功於先哲後昆者也務外科者

下不可不知

松江府

以此有松江名

縣三

至南京八十里 至京師二百八十二里半

陸機

字士衡松江人吳陸抗之子也身長七尺其聲如鐘文章冠世弟陸雲字士龍六歲能文每兄齊名關鴻稱曰此兒非龍駒當是鳳雛人呼曰二陸張華嘗謂之曰人之為文常恨才少而子患其多西惠輔仕累遷為中書郎後被坐成節王穎謀反事兄弟同時被害惜哉機家有駿犬名黃耳以有為故鄉之使

和漢三才圖會

中華南京卷之二十一 二十一

常列府

縣五

禹貢揚州之域 春秋屬吳 ○斗分天
後屬越又屬楚 漢會稽郡地 晉毗陵郡

東至浙江湖州府長興縣界二十里

西至鎮江府丹陽縣界五里半

南至應天府溧陽縣界十八里

北至揚州府泰興縣界六里

至南京三十六里 一 至京師二百八十八里

鎮江府

縣二

禹貢揚州之域 春秋吳 ○斗分天
後越又楚 秦屬會稽郡 漢荆國 又江都國

東漢吳郡 吳初都于此 後遷都 晉毘陵

郡 隋延陵鎮屬蔣州 又潤州

東至常州府宜興縣界七里半

西至應天府句容縣界四里半

南至常州府武進縣界十一里大

百濟國真表禪師 於金山建金山寺

揚州府

列三 縣七

至南京十八里 至京師三百二十里

禹貢揚州之域 春秋屬吳 ○斗分天

後越又楚 秦九江郡 漢淮南國 又江都國

又廣陵國 初三國屬魏 後三國屬吳 晉淮陰 宋

南兖州 北齊東廣州 後周吳州

東至海三十六里 南至江六里半

西至應天府六合縣界十二里

北至淮安府山陽縣界二十八里

至南京三十三里 至京師三百二十里半

△自日本海上三百二十里昔渡唐船著于此所謂揚州

津是也最繁昌地也

韓信

淮陰人家貧無行不得推擇為吏後屬當國
項羽為軍中 韓信數以策而項羽弗用
歸漢與蕭何語 高祖蕭何奇之然度上不用即亡蕭何
追之倡還謂高祖曰韓信國士無雙王必欲爭天下則

非信無可與計事者於是擇日齋戒具禮拜為大將諸軍士皆驚既而秦王二十二年韓信出陳擒趙王歇殺代王陳餘四年殺楚龍且虜齊田橫軍功最多故被封齊王五年更封楚王或謂言有陰謀六年遂被執入洛又得赦為淮陰侯七年竟謀反射一為呂皇后高祖被斬
△按三才圖會云有誣韓信謀反者呂后用蕭何計使武上縛而斬之蓋其謀友實乎虛乎如實則韓信之不義如虛則蕭何之不明也

淮安府

禹貢揚州之域春秋屬吳 ○斗牛分野
後屬越戰國屬楚秦九江郡漢隸淮郡廣陵國東漢下邳國三國屬魏晉為南北徐州又山陽郡隋楚州唐淮陰郡
東至海岸二十三里
西至鳳陽府虹縣界三十一里
南至揚州府寶應縣界六里

列二
縣九

北至山東青州府莒州界四十五里
至南京五十里 至京師三百一里

張良

字子房其先韓人嘗遊下邳圯上有老父履張良愕然欲歐之也也也為其老也迺忍下取履因跪進老父以足受之笑去復還曰孺子可教後五日平明與我期此張良跪曰諾及往老父已先在怒曰與老人期後何也去後五日蚤會五日鷄鳴往老父又先在復怒後五日蚤來五日夜半往有頃老父亦來喜曰當如是出一編書曰讀是則為王者師後十年興十三年孺子見我濟北穀城山下黃石即我也遂去不見視其書迺太公望之兵法也張良異之常習誦後從高祖過濟北果得黃石取而寶祠之張良死年葬焉初張良數以兵法說高祖常用其策張良多病未嘗特將兵常為畫策臣及封功臣良未嘗有戰鬪功帝曰運

籌帷幄中決勝千里外子房之功也或云張子房後辟穀不食從赤松子遊行 留侯留城在徐州沛

廬州府

廬州府 縣六

禹貢揚州之域 周廬子國 〇斗牛分豳

春秋屬舒 戰國屬楚 秦九江郡 漢廬江郡 魏屬南汝陰郡 梁南

豫州 又合州 北齊屬魏 齊屬南汝陰郡 梁南

東至和州含山縣界十九里

西至河南汝寧府門始縣界三十五里

南至安慶府桐城縣界十八里

北至鳳陽府定遠縣界十八里

至南京五十一里 至京師三百六十七里大

左慈

元放廬江人 明六甲能使鬼神坐致行厨 變化万象 魏曹操召見閉一室斷穀 暮羊出 乏顏色如故 曹操嘗宴賓曰今日高會所少松江鱸耳 左慈因求銅盆貯水以竿釣之 卽得鱸 曹操曰恨無鱸耳

薑左慈曰易得曹操恐近取卽日前使買錦可報增二十段 慈曰諾乃擲杯空中化鶴而去須臾袖中出蜀薑買錦者曰果云是日得報增錦操惡欲殺之慈昂卻入壁中或逢慈於陽城山頭遂奔入羊羣一老燕屈前兩膝人立而言曰遽如許使欲取之而羣羊數百皆變爲燕並人云云遽如許亦莫知取焉燕壯貌也

安慶府

安慶府 縣六

禹貢揚州之域 春秋皖國 〇斗牛分豳

戰國屬楚 秦屬九江郡 漢屬廬江郡 魏屬

魏 屬吳 晉熙郡 梁豫州 又晉州 隋同

安郡 唐盛唐郡 又舒州 又德慶軍

東至廬州府無爲州界三十七里

西至湖廣黃州府黃梅縣界二十一里

南至池州府東流縣界半里

北至廬州府舒城縣界二十一里

至南京七十四里半 〇至京師四百十八里半

太平府

縣三ツ

至南京十五里

至京師二百五十九里

禹貢揚州之域春秋吳地

○斗分天駁

屬越戰國

屬楚秦

鄣郡漢

丹陽郡晉

淮

南郡又豫州劉宋

姑熟又于湖

東至應天府溧水縣界十一里

西至和州界三里

南至寧國府宣城縣界七里

北至應天府江寧縣界五里

寧國府

縣六ツ

至南京十五里

至京師二百五十九里

禹貢

揚州之域春秋

屬吳

○斗分天駁

戰國

屬越

屬楚秦

鄣郡漢

丹陽郡晉

宣城

郡陳宣州

東至廣德州建平縣界六里

西至池州府青陽縣界十六里

南至徽州府績溪縣界二十二里

北至太平府當塗縣界十里半

池州府

以有貴池故名

縣六ツ

至南京四十二里

至京師四百一里半

禹貢

揚州之域春秋吳

○斗分天駁

後屬越

又屬楚秦

鄣郡漢

丹陽郡晉

屬宣

城及豫章郡梁南陵郡

東至寧國府南陵縣界十四里

西至江西九江府彭澤縣界十四里

南至徽州府祁門縣界十九里

北至安慶府桐城縣界三里

至南京六十里 至京師四百五里

徽州府

縣六ツ

禹貢揚州之域春秋屬吳

○斗分天駁

後屬越

戰國

屬楚秦

鄣郡漢

丹陽郡晉

吳

新都郡晉新安郡梁新寧郡隋歙列

東至浙江杭州府昌化縣界十一里

西至江西饒州府浮梁縣界二十七里

南至浙江衢州府開化縣界十八里

北至寧國府太平縣界十七里

至南京七十二里 至京師四百里

朱子

名熹字仲晦歙元晦號龜齋又晦菴新安郡婺源縣人也宋建炎四年玘珣生上繼洙泗

一貫之傳下開伊洛萬世之學自孔孟以來二千有余年第一人天資未有出右者補苴眚為煥章閣待制粹歸秘閣修撰所著有四書集註通鑑綱目周易本義詩經集傳語錄語類等行于世慶元六年三月庚申卒壽七十一封徽國公謚文公

汪機

字省之號石山居士祁門縣汪滑之子也邑庠生屢科舉父命棄舉業為學嘗言士不至

於宰相則其澤之所及不若醫之博也遂棄儒就醫大肆力於素難難纏諸書因不考訂歷紀所療為石山醫案編次素問鈔運氣易覽推求師意痘治理辨本草會編醫學原理等行于世

廣德州

禹貢揚州之域春秋屬吳 ○斗沃駁後屬越戰國屬楚秦郡郡漢丹陽郡又廣

縣

德縣 三國屬吳晉宋宣城郡 梁大梁郡 又陳留郡 隋穀安縣屬湖州

東至浙江湖州府長興縣界三里
西至寧國府宣城縣界十里
南至湖州府安吉州界六里
北至應天府溧陽縣界七里
至南京五十里 ○至京師三百七十五里半

和州

禹貢揚州之域春秋屬楚 ○斗沃駁秦歷陽縣隸九江郡 三國屬吳漢屬淮南

縣

國 劉宋南豫州 梁屬東魏 後周烏江
東至應天府江浦縣界六里
西至廬州府巢縣界十一里
南至廬州府無為州界九里

北至滁州界十一里
至南京十二里 至京師三百二十八里

華陽洞

夷堅志曰：北宋徽宗皇帝李允則，至和州遊近郊，不覺墮穴中，黑如夜，稍進，漸明，石池中荷花爛熳，天日晃曜，有石棊局，聞誦經聲，不見人，已而忽至道旁，僧寺問僧，乃滁州境也。已是七日，才一晝爾，其所至乃華陽洞也。

滁列

禹貢揚州之域，春秋吳楚之郊。○斗妖敵戰國屬楚，秦九江郡，漢淮南國，三國魏東，晉於南譙列，未新昌郡，晉滁列，魏領之。

縣二
東至應天府六合縣界七里
西至鳳陽府定遠縣界七里
南至和州界七里
北至泗州盱眙縣界十三里
至南京十二里 至京師三百二十里半

徐州

禹貢揚州之域，古大彭氏國。○房心分野，春秋為宋地，戰國屬楚，秦彭城縣屬泗水郡，項羽自立，立楚國都於此。漢沛郡，魏武

縣四
東至淮安府邳州界十一里
西至河南歸德州虞城縣界二十三里
南至鳳陽府宿州界九里
北至山東兗州府滕縣界十二里
至南京百里 至京師二百里

項羽

名籍，臨淮人，家世為楚將，封於項，故為項姓。長八尺二寸，目重瞳，力能扛鼎，才氣過人。秦二世元年，項羽起兵，立楚懷王孫心，稱義帝，破秦屠威，陽宮殺秦三世嬰，帝後又殺義帝，而背沛公。漢高祖之約，封之蜀，以為漢王。既而漢王率兵攻項羽，漢軍敗，擒父太公及妻呂布，遂圍漢王。漢王漸解圍，使人燒項羽軍，用於是項羽高祖相誓，漢楚中分天下，和睦，歸太公呂

后于漢後復漢王進軍勢緊圍項羽兵糧盡匿走烏江
烏江亭長檣船待項羽羽笑曰迺天亡我何渡自到死

蕭何

沛縣人初仕秦為刀筆吏後佐沛公大有武
功沛公即位漢高祖也蕭何為丞相尋拜相國凡
相國之號始於此二年七月沛帝薨被封封鄼公

樊噲

沛縣人漢時以屠狗為事古今無及強力勇
士從漢高祖定天下以功封舞陽侯帝嘗病
惡見人臥禁中詔戶者莫入群臣乃無敢入十餘日噲
乃排闥直入大臣隨之上獨枕一宦者臥噲等流
涕曰始陛下與臣等起豐沛定天下何其壯也今天下
已定又何憊也且陛下疾甚不見臣等計事顧獨與一
宦者絕乎且獨不見趙高之事帝笑而起趙高秦賊也
先是楚項羽欲攻沛公漢高祖沛公從百餘騎而見項
羽謝無有閉關事項羽既饗軍士中酒謀令項莊拔劍
舞坐中欲殺沛公時在側樊噲居營外聞事急迺持解



入項羽見之問為誰張良曰沛公參乘樊噲也項羽曰
壯士賜之卮酒彘肩能復飲乎噲飲酒拔劍切肉食之
曰臣死且不避豈特卮酒乎沛公如廁墜噲出噲等步
從山下走歸是日微噲幾殆實功臣也而高祖既治天
下後二十餘年勃陳平周勃等斬樊噲陳平私告噲噲詣
長安高祖崩後赦樊噲復官位

華佗

字元化沛國人兼通數經曉養生之術年百
歲有壯容時人以為仙精於方藥處劑不過
數種針灸不過數處若疾發結於內針藥所不能及者
冷人以酒服麻沸散既醉無所覺因剖破腹背抽割積
聚若有腸胃則斷截前洗除去疾穢既而縫合而傳以
神膏四五日瘡愈嘗曰人體欲得勞動但不當使極耳
動搖則氣得銷血脉流通病不得生譬猶戶樞終不
朽魏太祖操召常在左右一日太祖苦頭風作心亂
目眩針其臑而愈華佗性惡賤耻以醫為業而去其後

山東圖

冊



山東

山東

利津

利津

山東

古青州二州地 春秋並為齊國

△山東中華良之隅當日本成方海上凡四百里人物風俗似南京而稍劣

濟南府 兗州 東昌 青州 登州 萊州

濟南府

禹貢青州之域 春秋齊地 濟州 齊國 臨淄郡 天下五嶽之中東

東至青州府臨淄縣界二十五里 西至東昌府莊平縣界十四里 南至交州府寧陽縣界三十里 北至北京河間府景州吳橋縣二十一里

東方朔

字曼倩平原縣壓次邑人前漢武帝舉賢良材力之士待以不次之位四方士上書言得失自銜鬻者以千數朔上書曰臣少失父母長養

年十三學書二十冬文史足用十五學擊劍十六學詩書 誦二十二萬言十九學孫吳兵法戰陳之具鉦鼓之教 亦誦二十二萬言又常服子路之言今年二十二長九 尺三寸目若懸珠齒若編貝勇若孟賁矯捷若慶 忌廉若鮑叔信若尾生若此可以為天子大臣矣 文辭不遜高自稱譽上偉之令待詔公車後常為郎與 枚舉郭舍人俱在左右詎喟而已後昇大中大夫

善導大師

姓朱淄州人 休寒冷流汗唐永隆二年三月二十七日寂 壽六十九

兗州府

日本念佛宗以善導為高祖 兗州善導寺攝州勝尾山 二階堂有善導降臨事跡異域之感應因招所致亦妙

禹貢徐兗二州之域

春秋魯國 戰國屬楚 秦薛郡 漢泰山山陽 郡地 東漢任城國 宋泰寧軍

列四
縣六四

東至南京淮安府贛榆縣界四十九里
南至南京徐州沛縣界十五里
西至東昌府濮州界三十三里
北至濟南府肥城縣界十一里
至北京南京俱百二十三里

魯

周武王弟周公旦世子伯禽受封於曲阜今魯
列是也至三十四代頃公秦孝文元年楚考烈王滅
之凡八百七十三年魯君亡魯之裔也

神農

炎帝 烈山氏 連山氏 姓姜 少典之君
有妃安登感神龍而生于石室育於姜水故
以姜為姓以火德王故稱炎帝其起本於烈山故號烈
山氏連山其初國伊繼國耆合而稱之號伊耆氏斷木
為耒耨木為耜以教天下之耕故號神農日中為市又
嘗百草品醫藥以濟疾病此後世農商醫之所由起也
又作五絃之琴詠豐年之歌初都陳又都曲阜在魯

後七代二百六年至榆罔失政諸侯相伐黃帝征之

孔子

姓孔名丘字仲尼其先宋人也父叔梁
紇出於黃帝黃帝十八世殷湯王其十七世
微子啓其弟名紂王其無道住於宋故曰宋人微子十一
世名孔父嘉自是為其六世叔梁紇曾敵國為陳大夫
母顏氏名曰徵在所尼丘山神有娠又故仲尼周靈
王二十一年庚戌十一月四日生於魯昌平鄉陬邑賦
長九尺六寸腰大一圍賦九娶宋并官氏女生一子名
孔鯉字伯魚生時自魯昭公使入遺鯉魚孔子二十仕
魯昭公為委吏牧事今云郡奉行為司職吏掌祭祀
適周問禮於老子既反而弟子益進然魯國亂昭公奔
齊孔子五射適齊為高昭子家臣遂行反乎魯四射脩
詩書禮樂五射仕魯定公為中都宰官之類一年四方
則之為司空掌山林川澤丘陵原野事本朝又為大司

寇今掌刑罰刑部大輔攝行相事五歲與聞國政三月魯國大治嫁孔子孫於是定公受女樂孔子諫之不可故行適衛過匡匡人以爲陽虎而拘之陽虎暴虐故諫相之五月既解還衛又去適宋司馬桓魋欲殺孔子去適陳居三歲而反衛魯康子召而歸魯心獻亦終不用孔子亦不來仕乃叙書傳禮記刪詩正樂序易象繫象說卦文言序子三千人身通六藝者七十二人焉魯西狩有獲麟之瑞仍孔子作春秋哀公十六年壬戌四月八日卒壽七十三歲云疇葬魯城北泗上

當日本懿德天皇三十二年壬戌年
孔子生也卒也年月有異說未定

○廟

在曲阜縣西八里

爲大成殿

前有杏壇其左右有櫓三楹孔子手

植置之高五六丈蟠屈如龍屢枯屢榮

號大成至聖文宣王

唐文宣王宋真宗加至聖宗元武宗又加大成

左泗水侯殿祭伯魚

啓聖王祭叔梁紇

右沂國公殿祭子思

後有三殿

前有宋真宗帝及大明御製碑

每歲春秋上下日祭祀用牛六猪行禘社羊五軒射鹿

致祭後周太祖帝行幸曲阜

子思

名伋字子思伯魚之子仲尼之孫也父早卒

衛甯侯有不聽子思之諫事因退而作中庸演明聖學道統之傳也卒後追封沂國述聖公配享孔子廟孔子之子孫于今血脉不絕世大儒皆封公侯大明孝宗帝至孔聞詔六十二代云

曾子

姓曾名參字子與聖門一貫之傳以魯得而

邾伯

宋真宗封邾國公文宗加宗聖公

如漢三并圖繪

十哲

哲，明也。智也。訓也。乃。

- 顏回 字子淵 封 充國公
- 冉雍 字仲弓 下邳公
- 宰予 字子我 臨淄公
- 冉求 字子有 彭城公
- 言偃 字子游 州陽公
- 子夏 字子夏 河東公
- 端木賜 字子貢 東平公
- 端木賜 字子貢 黎陽公
- 仲由 字子路 河內公
- 卜商 字子夏 河東公
- 閔損 字子騫 琅琊公
- 端木賜 字子貢 東平公

孔子門人數百人中勝者七十二人 或云七十二人中人又

曾參少於孔子四十六歲而老而死故有子曾子之門人

子血子

既通游事齊宣王梁惠王皆不能用以為遠而闕於

事情是時天下 楚燕齊 六國相拒以攻伐為要而孟軻

乃述唐虞三代之德是以所如者不合退而與萬草之

徒序詩書述孔子之意作書七篇嘗曰我善養浩然之

氣蓋闢揚墨以正人心而仁義之道擴然大明于世

聽雨記談曰史記列傳不書孟子生卒歲月 嘗觀孟

氏譜云周定王十七年四月二日生 今二月 二十

六年正月十五日卒 今五月 壽八十四

北 魏 帝 贈 鄒國公 太元 贈鄒國亞聖公

公孫丑 孟仲子 公都子 陳臻 高子 徐辟

樂正子 咸丘蒙 孟季子 陳代 彭更 萬章

屋漏子 告子 桃應 充虞 周霄

以上十七人親受孟子教附續之後世者

千定國

縣獄吏郡決曹決獄平羅文法者于公為

矣皆不恨郡中為之立祠始其間門壞父老方共治之

于公謂曰少高大閭門令容駟馬高蓋車我治幾多陰德未嘗有所寬子孫必有興者至定國好學春秋傳仕前漢宣帝為丞相政事能治

王祥

字字

休徵至孝繼母朱氏朱氏常不慈特嗜生

魚時寒天水凍無魚王祥解衣裸身投水

上則水剖冰解躍出得以薦母又有黃雀之感晉天子

幸大學命祥為三老祥南面几杖以師道自居武帝踐

祚詔賜几杖不朝大事皆諮訪之

東冒府

禹貢兗州之域

○危室沃野

魏齊趙三國之境 秦漢東郡魏晉平

原郡 博列 博平郡

東至濟南府長清縣界十里

西至北京廣平府廣平縣界十五里

南至兗州府陽穀縣界二里半

北至北京河間景州故城縣界二十五里

至京師九十四里 至南京百五十四里半

青列府

禹貢青列之域 故以名 虛危分野

周武王封大齊國 漢北海郡 魏益都城

東至萊州府濰縣界十里

西至濟南府淄川縣界十二里

南至兗州府沂州界二十八里半

北至濟南府利津縣界十九里

至京師百五里 至南京百五十五里

齊大公墓

姓姜 名呂尚神農之苗裔四岳伯夷之後

伯夷佐禹治水有功賜姜姓 與孤竹伯殷

紂王時避世漁渭陽 于陝西 周文王將田史編曰大

田於渭陽當大得焉非龍非麕非虎非熊非得公侯天

遺汝師文王乃齊三日田渭陽見大公坐茅以漁乃載

與歸立為師又佐武王伐紂以功封於齊都營丘

嘗著兵書六十篇 龍川名六韜壽九十卒自

公至二十代康公周安王齊大夫田和奪為己有自是
稱田齊本齊滅齊威王亦七君相續桓公威王宣王湣王

孟嘗君

姓田名文齊威王之孫田嬰之子又為齊國
相甲文亦相續為相封萬戶於薛嘗招致賓

客食客數千人無貴賤亡人有罪者等廷皆歸之以故
傾天下之士有一客怒以己飯不等輟食辭去田文起
自持其飯比之不異客慙自剄死以此皆多歸之齊湣
王滅宋以來驕甚解欲去田文仍如魏魏昭王以為相
齊襄王湣王子時良田文與連和相親焉卒後謚孟嘗君
初秦昭王囚孟嘗君欲殺之客下坐有能夠盜者夜入
秦宮藏中取所獻狐白裘以獻幸姬因其賞得脫又孟
嘗君變姓名夜半至函谷關關法雞鳴出客客有能為
雞鳴者遂發傳去客得逃

淳于意

姓淳于名意臨淄縣人齊大倉之長號倉公
少好醫方窮道師同郡元里公醫愈高視疾

本名淳于洞知生死其弟子多皆為良醫

登州府

禹貢青州之域古 酈尋國 ○危天駁

唐虞 峒夷地 春秋 牟子國 戰國齊 漢東郡

列一ツ
縣七ツ

東至海七十里 北至海半里
西至萊州府掖縣界十五里
南至萊州府即墨縣界四十里

至京師百七十里 至南京百九十里

萊州府

禹貢青州之域 古萊夷地 ○危天駁

春秋齊侯遷萊于于鄉萊子國 秦齊郡
在國之東故曰東萊 後魏光州

東至登州府萊陽縣界十八里
南至青州府諸城縣界三十五里
西至青州府昌樂縣界二十六里
北至海岸九里

列二ツ
縣五ツ

至京師百四十里 至南京百四十里

黃福 字如錫昌邑縣人歷仕大明洪武正統之間自小官至一品始終以國家生民為必不好非禮也闕諛諂諂無所顧忌立心行事以不昧天理為

生官至少保卒年七十八贈大保後云大臣諡忠宣

遼東都

指揮使司

禹貢冀青二州之域 ○箕尾妖獸
州東北為幽州 自今廣寧秦名之遼西郡
州東北為營州 自今廣寧秦名之遼東郡
州東北為營州 自今廣寧秦名之遼東郡
州東北為營州 自今廣寧秦名之遼東郡

東至鴨綠江五十六里
西至山海關百一里半
南至旅順海口七十三里
北至開原三十四里

至京師百七十里 至南京五百四十里

隋初自高麗國犯遼東所并唐征高麗復其地五代時

地入契丹契丹阿保機修遼東故城以居名曰東平郡尋陞南京又改之為東京


山東 土產

牛黃 登州 人參 人參 松子 青鼠皮 阿膠 兗州
茶 出兗州蒙山者 河鮫 硯石 石膏 滑石 鹽
脯臍 方竹 登州 黃絲 緞 襪 濟南 真綿
枸杞子 登州 黃丹 明礬 朴硝 青州 五
色石 萊州 藥種 自萊州

和漢三才圖會 中華山東 卷之六 三十七

山西圖

冊




北京保定府界

北京真定府界

河南彰德府界

河南界



陝西西安府界

冊

山西圖

山西

禹貢冀州之域 唐國 春秋 晉國 河東
北極出地三十八度

△按山西，角中華，正中之北際，東隣北京，西隣陝西而多山陸，無海路，唯西有黃河之大川，東有北岳之太山，故得山西河東之名，最寒濕甚，每著狐狸，裘食蒜葷，故土人有臭，發言詞又強拙，適有來南京，舶來于日本，其土產中麝香毛，種為上品。

大原府 大同 平陽 潞安 汾州 遼州
沁州 澤州 四州以上

大原府

禹貢冀州之域 舜并列 ○參井分天
春秋 屬唐後為晉 戰國 屬趙 唐 河東
東至北京真定府井陘縣界三十七里半
南至沁州武鄉縣界二十一里
西至陝西延安府吳堡縣界五十里半
北至大同府馬邑縣界三十五里半
雁門關在代列北

至京師百二十里 至南京二百四十里
當國五臺山以為文殊大士之靈場

狄仁傑

字懷英大原府人唐太宗時為侍御史中宗時任同平章事官使得參議朝政先此為河南巡撫大使嗣聖奏武皇天后焚拂吳楚洋祠千七百余社僅殘夏禹王吳太伯並季札伍子胥以上四箇廟后十七年六月薨封梁國公謚文惠公

白樂天

居易大原人生七月而識之無二字嫻屬書指之示雖百數不差敏悟絕人博才以詩文著名年十七登進士唐憲宗三韓任翰林學士號醉吟先生卒葬龍門山其詩集名白氏文集行于世白龜年 樂天之子文學問于世於嵩山東岩下遇李太白授一軸書自是能通鳥語

道綽禪師

汶水縣人十四歲薙髮後秉曇鸞大師淨土諸業專修念佛日以七万遍化導大行

唐貞觀十九年四月二十七日或云二十四日

平陽府

高晉冀州之域春秋屬晉○晉參天駁戰國屬韓後屬趙秦漢河東郡晉列

列六
縣九

東至澤州沁水縣界十五里半
南至黃河岸二十六里半
西至黃河岸三十一里
北至汾州孝義縣界三十二里

至京師百八十里 至南京二百四十里

帝堯

陶唐氏帝嚳之子摯也母陳豐氏生于丹陵後徙祁故曰祁祁氏年十三封于陶改國于唐故又號陶唐氏名放勳嚳崩摯即位而荒淫無度不脩善政居九年諸侯廢之立堯為天子以火德王都于平陽其仁如天其智如神就之如日望之如雲所居之宮茅茨不剪土階三等百姓安樂薦舜於天傳即位位九十八年壽百十八歲元年甲辰

帝舜

有虞氏黃帝八代孫瞽瞍之子生于姚墟故為姚氏以上德王都蒲坂父頑母嚳弟象傲常欲殺之克諧以孝蒸蒸又不格姦孝聞于堯以二女妻之禪天下在位五十年壽百十歲元年壬午

夏禹王

姓姁名文命黃帝之後稷舜治天下水有功賜姓為姁氏被封夏縣伯後受舜禪即天子位以金德王都平陽建寅之月為歲首至十五代桀王甚無道而為湯王滅

晉

春秋周武王子城王同叔虞封於唐都翼即今平陽府絳縣是也代昭侯封叔父成師于曲沃今縣既後滅翼起於此十九代晉獻公滅虢霍魏三國及魏妻驪姬欲廢繼子申生立己子奚齊齊于獻公申生縊死其弟重耳奔狄夷吾奔屈後夷吾嗣國號惠公其子懷公為晉人無嗣重耳嗣國文公是也以救周襄王之難勅文公為諸侯伯晉威盛而至靖公

晉韓虔魏斯趙籍此三大夫廢其主遂晉亡凡三十八君百四十一年

介子推

晉文公從者也文公初為重耳時為文獻公所逐出奔他國隨共艱難者僅七人介子推其一也周襄王十六年重耳入晉嗣國從臣預賞子推獨不預發憤隱綿上山文公悔召之不出文公使人焚山子推抱木燒死

豫讓

晉人初事范中行氏去而事晉智伯智伯尊寵之趙襄子與韓魏合謀滅晉漆智伯之頭為飲器豫讓欲報讎變姓名為型人入宮塗廁中挾匕首欲以刺襄子襄子如廁心動搜之則豫讓也感義釋之又漆身為癩吞炭為啞使形狀不可知伏橋下襄子至橋馬驚曰此必豫讓問曰子事范中行氏智伯滅之不為報其讎而反臣智伯己死獨何報讎之深哉對曰臣事范中行氏衆人遇我故我衆人報之智伯國

士遇我故我國士報之襄子曰寡人赦子亦足矣子自為計讓曰臣固伏誅然願請君衣而擊之以致報讎之意襄子持衣與之乃拔劍三躍而擊之遂伏劍而死
△按趙籍字襄子與韓虔魏斯共攻晉殺智伯分其地自此晉幽公威衰朝韓魏趙三卿僅有曲沃地周威以彼三卿共加諸侯列遂廢晉靖公分其地於三晉滅亡既歷年月而欲報無後主君之讎豫讓之忠義無此類

關羽

字雲長解州人也後漢昭烈帝初為蜀劉備時事有勇有忠寢則同榻息若兄弟而周旋不避艱險秉燭達旦其大節也收取江南諸郡被拜前將軍世稱虎臣刺殺顏良其大勇也卒為吳孫權襲而殺惜哉大明萬曆年中封為南極協天上帝

裴楷

字叔則聞喜縣人明悟有識量少與王戎齊名世稱裴楷之清通王戎之簡要是也風神高邁容儀俊爽博涉群書特精理義晉武帝時為中書

令侍中出入官省見者肅然改容

大同府

列四
縣七

禹貢冀州之域 虞周屬并州 ○昴畢分文
春秋北狄所居 戰國屬趙 秦雲中雁門代
郡 魏新興郡 後魏北垣列 唐雲列
東至北京保安州深井界三十六里
南至太原府代州雁門關二十九里
西至大同右衛黃土山墩二十三里
北至本府舊宣寧縣十二里
至京師九十里 至南京二百五十里

雁門關 在馬邑縣

恒山 天下五岳之中北岳也 在渾源列之南

黃安

代郡人貌若童子常服袈裟舉身皆赤不著衣坐神龜龜廣二尺時人問坐龜幾年答曰三千歲乃一出頭我得龜以來已五出頭矣行則負龜而趨漢武帝聞其異乃召與論虛無神仙之事帝每屈禮焉 郭重謂李克孟岐 郭重黃安五人謂之漢仙臣帝崩後不知所之

曇雲慈烏禪師

帝嘗信佛法特恩遇厚

汾列

禹貢冀州之域 春秋屬晉 ○參分文
戰國屬趙 秦漢太原郡 魏西河郡 後周介列 隋濕城縣 唐浩列

縣三

東至太原府祁縣界十四里
西至太原府石州界六里
南至平陽府靈石縣界十里
北至太原府汶水縣界五里
至京師百三十八里 至南京二百四十里

遼列

縣二

禹貢冀州之域 春秋屬晉 ○參分文
戰國屬韓 後屬趙 秦上黨郡 晉屬樂平郡 後魏遼陽縣 隋遼山縣 唐冀州又儀列
東至河南彰德府磁州武安縣界十四里

沁列

西至太原府太谷縣界十九里
南至沁州武鄉縣界四里
北至平定州樂平縣界十三里
至京師百二十里 至南京二百四十二里

禹貢冀列之域 春秋晉地 後屬韓又屬趙
秦漢上黨郡 後魏義寧郡 隋沁源縣

縣二

西至平陽府霍州界二十五里
南至潞州界三十五里
北至太原府太峪縣界三十三里
至京師百七十里 至南京二百四十里

潞安府

禹貢冀列之域 商時黎國 ○參井 天駘
書經所謂西伯戡黎即此也 後赤狄潞子
國 戰國韓之別都 後屬趙 秦上黨郡 後周
潞州 唐昭義軍 五代 巨義軍 唐安義軍

縣八

東至河南彰德府林縣界十七里
西至平陽府岳陽縣界十五里
南至澤州高平縣界七里半
北至遼州界二十里

澤列

至京師百三十里 至南京二百二十六里

禹貢冀列之域 春秋屬晉 ○蒲參 天駘
戰國屬韓 後屬趙 秦上黨郡 後魏建興郡
又建州 後周高平郡 隋長平郡 唐蓋州

縣四

東至河南衛輝府縣界四十一里
西至平陽府翼城縣界二十九里
南至河南懷慶府河內縣界十四里
北至潞州長子縣界十九里
至京師百八十里 至南京亦百八十里

楊繼宗

字美芳 陽城縣人 歷任太明天順弘治之間
好善惡惡出于天性 人多憚其方嚴 忠孝大

節議論風采雖庸人孺子皆知其名官至左僉都御史
卒年六十三

山西土產

人參	<small>太原潞安</small>	麝香	<small>遼州</small>	龍骨	<small>平陽</small>
毛氈	<small>遼州</small>	茅香	<small>遼州</small>	黃鼠	<small>大同</small>
天花粉	<small>太原</small>	黃芪	<small>沁州</small>	石菖蒲	<small>沁州</small>
瓷器	<small>太原</small>	石綠	<small>沁州</small>	甘草	<small>沁州</small>
無名異	<small>太原</small>	花斑石	<small>沁州</small>	瑪瑙	<small>沁州</small>

山西土產
 大原在太原界二十里
 潞安在澤州界二十里
 遼州在澤州界二十里
 沁州在澤州界二十里
 平陽在澤州界二十里

